

Paerewa Paetae**Aronga** Hangarau 1.3**Ingoa** Te whakamārama i te rawa hangarau**Kaupae** 1 **Whiwhinga** 6 **Aromatawai** Ā-waho**Marau akoranga** Te Marautanga o Aotearoa**Kokonga akoranga** Hangarau**Mana rēhita** Kua rēhitatia **Te rā i mana ai** Hakihea 2023**Te rā e arotakengia ai** Hakihea 2028 **Te rā i puta ai** Hakihea 2023**Te Whāinga**

Ko te whāinga o tēnei paerewa paetae he whakamārama i te rawa hangarau.

Paearu Paetae

Paetae	Hei tohu i te paetae: <ul style="list-style-type: none">• Ka whakamārama i ngā āhuetanga o te rawa hangarau.
Kaiaka	Hei tohu i te kaiaka: <ul style="list-style-type: none">• Ka hōhonu te whakamārama i ngā āhuetanga o te rawa hangarau.
Kairangi	Hei tohu i te kairangi: <ul style="list-style-type: none">• Ka tōtōpū te whakamārama i ngā āhuetanga o te rawa hangarau.

Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Hangarau kei: <https://ncea.education.govt.nz>.

Whāinga Paetae

Ngā Āhuatanga o te Hangarau

1. Ka tirohia ngā uara me ngā whakapono o iwi kē, ka:
 - whakahāngai ki te otinga
 - mōhio ki ngā whakaharatau
 - whakarite ki ngā hangarau a tangata kē
 - mārama ki ngā ārai me ngā huarahi wātea ka taea.
2. Ka tūhura i ngā āhuatanga matua o te tangata e pā ana ki:
 - ngā pūnaha, ngā tukanga rānei
 - te hiahia o ngā kiritaki
 - ngā rautaki whakatairanga ki te kiritaki.

Te Whakaharatau Hangarau

3. Ka arohaehae i ngā whakatakotoranga hoahoa, hoahoa whaiaro rānei, ā ētahi atu hoki, hei āwhina.
4. Ka whakamātautau i ngā raraunga me ngā mōhiotanga hou kia puta ai he otinga tika.

2 E whai ake nei ngā whakamārama mō ngā paearu paetae:

<p><i>Ka whakamārama i ngā āhuatanga o te rawa hangarau.</i></p>	<ul style="list-style-type: none"> • Ka kimi, ka wherawhera, ka whakamātau i ngā āhuatanga o tētahi rawa hangarau i runga i te hiahia kia kitea te rawa e tika ana mō tētahi hanga hangarau. • Ka parahautia ngā mahi, ngā whakatau, ngā aha atu rānei ki ngā mauhanga (ā-pepa, ā-matihiko, ā-ataata, mā tētahi atu ara rānei) e kitea ai āna mahi.
<p><i>Ka hōhonu te whakamārama i ngā āhuatanga o te rawa hangarau.</i></p>	<ul style="list-style-type: none"> • Ka āta kimi, ka āta wherawhera, ka āta whakamātau i ngā āhuatanga whāiti o tētahi rawa hangarau i runga i te hiahia kia kitea te rawa e tika ana mō tētahi hanga hangarau. • Ka parahautia ngā mahi, ngā whakatau, ngā aha atu rānei mā te āta whakarite mauhanga (ā-pepa, ā-matihiko, ā-ataata, mā tētahi atu ara rānei) e kitea ai āna mahi.

<p><i>Ka tōtōpū te whakamārama i ngā āhuatanga o te rawa hangarau.</i></p>	<ul style="list-style-type: none"> • Ka nahanaha te kimi, te wherawhera, me te whakamātau i ngā āhuatanga whāiti o tētahi rawa hangarau i runga i te hiahia kia kitea te rawa e tika ana mō tētahi hanga hangarau. • Ka parahautia ngā mahi, ngā whakatau, ngā aha atu rānei mā te whakarite nahanaha i ngā mauhanga (ā-pepa, ā-matihiko, ā-ataata, mā tētahi atu ara rānei) e kitea ai āna mahi.
--	---

- 3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>rawa</i>	He matū, tētahi atu mea rānei ka whakamahia ki te waihanga i tētahi hanga.
<i>mauhanga</i>	Ko ngā kōrero mō tētahi tangata, mō tētahi kaupapa rānei, he huinga raraunga rānei kua puritia ki tētahi wāhi, pērā i te kōpaki matihiko, i te kōpaki tānga pepa rānei. He nahanaha te pupuri i ngā mauhanga e māmā ai te tiki atu ina hiahiatia. Kei te whakamahia hoki hei tūmahi mō te pupuri pēnei i ēnei tūmomo kōrero. He wāhi nui ki te mauhanga i ngā parahautanga.
<i>taunaki</i>	Ina oti katoa ngā rangahau, ngā kōrero, ngā mauhanga te kohi me te tuhi, ko te taunaki tēnā.
<i>toitūtanga</i>	Ko te whai kia kua e pau ngā rawa (mātua rā ngā rawa māori), kia ora tonu ai te ao (me ngā hanga koiora) ā ngā rā e tū mai nei.
<i>whakamārama</i>	Ka whakarite kōrero e whakaahua ana i tō tūhura i ngā āhuatanga o tētahi rawa hangarau.

- 4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

Kōrero Whakakapinga

I whakakapingia ngā paerewa 91714-91718 e ngā paerewa 92052-92055.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.

- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233
